


庶物類纂


水屬
自三十四至三十五


容

太政官文庫			
和	特別	三	三
書	二	二	二
門	六	六	六
	署	署	署
	五	五	五
	四	四	四
	六	六	六
	五	五	五
類	號	函	架
		册	

內閣文庫	
番號	和 32362
冊數	465(107)
函號	54 1







庶物類纂水屬卷之三十四目次

瀑布

溪澗水


岩水

藥水

母水

庶物類纂 卷三十四

水屬目次




瀑布水

倍名搭結那迷紫

水屬

瀑布水

一



瀑布

瀑布水雖盛至不可食汎激撼盪水味已大變失真性矣瀑字從水從暴蓋有深義也予嘗攬瀑水上源皆派流會合處出口有峻壁始垂挂為瀑未有單源隻添如此者源多則流雜非佳品可知

吳興徐獻忠水品○續說

瀑水垂洞口者其名曰簾指其狀也如康王谷水是也同上

瀑水雖不可食流至下潭滄滙久者復與瀑者不類

上同

有瀑湧湍急者勿食食久令人有頭疾如廬山水簾
洪州天台瀑布誠山居之珠箔錦幙以供耳目則可
入水品則不宜矣東海屠隆考槃餘事○陳眉公秘笈
天下瀑布皆有聲惟鴈蕩者無聲陳眉公太平清話○秘笈
機謹按明湯賓尹芸司秘書文同

泉縣出曰沃暴溜曰瀑皆不可食而廬山水簾洪水
天台瀑布皆入水品與陸經背矣故張曲江廬山瀑
布詩吾聞山下蒙今乃林巒表物性有詭激坤元曷

紛矯默然置此去變化誰能了則識者固不食也然

瀑布實山居之珠箔錦幙也以供耳目誰曰不宜高明

濂遵生八牋

雲居山之布水源出鷄鳴峯飛流百尋如曳布建昌縣志

枕溪兩山崇擁石壁如削瀑水下注高千餘仞山岷

放木筏至此踉蹌循山行其筏隨水自射潭底移時

浮出或了無寸木可尋者閩書

宋王禹偁序略云康王谷水簾高三百五十丈其泉

為天下第一淵鑑類函

瀑布類考卷之四
瀑鋪告切音暴飛泉懸水也班固終南山賦倚吐飛
瀨上挺修林太泉落落密陰沈沈亦名天紳韓愈詩
縣瀑垂天紳孟郊詩簷溜擲天紳蘓軾詩餘波猶足
挂天紳通謂之布水亦稱縣水縣河莊子縣水三十
仞水經注曰浙江合浦陽江逕諸暨與泄溪合有三
泄下泄縣百餘丈陸游會稽志言諸暨泄溪造雲壁
太上泄高二百餘丈此是瀑布土人號為泄輿地志
作五泄溪水經言縣河雷抃樊宗師絳守園池記言
木腔瀑三丈洄連皆形容瀑布語也又地志云廬山

瀑布循崖直下不若鴈岩之飛墜唐僧貫休詩龍湫
燕坐雨濛濛雨即瀑布之濺沫鴈岩志云西谷龍湫
望之如縣布隨風作態變幻不一或如散珠如驟雨
如飛雪輕烟或飄轉中斷或左右紛散或直頽如注
雷或屈曲如蜿蜒或觀者太潭外水忽轉舞向人亂
灑衣帽或大注如晴雷或風過盤旋不下皆奇態也
清廖文英
正字通

扇形類考 卷三十四




溪澗水

倍名搭爾迷紫

水屬

水屬

溪澗水



溪澗水

裴氏廣州記曰管谿周圍丈餘水極沸涌如猛火煎

油聲唐歐陽詢藝文類聚

盛弘之荊州記曰桂陽郡西南宿山水出注大谿號

曰橫谿水甚深冬甚不乾俗謂之貪泉飲者輒冒於

財賄同上

菖蒲澗昔刺史陸胤之所開也至今重之每旦輒傾

州連汲以充日用雖有井泉不足食大元中襄陽羅

友累石測側容百許人坐遊之者以為洗心之域咸

安中姚成甫嘗採菊澗側遇一丈夫謂成甫曰此澗
菖蒲昔安期生所餌可以忘老於是徊翔俯仰候然
不知所終蓋仙者焉唐鄭熊番禹雜記○說郛

溪中水沫取起令乾為末入湯中即冷而不沸宋蘇軾物類相感志

類相感志

陳齋即湖州安吉人因步春渴掬澗水兩口嚙之數
日覺心腹微痛日久疼甚服藥無效醫診之云心脾
受毒今心脉損甚齋即答云去年春渴飲澗水得此
醫云齋即喫却蛇交水蛇在澗邊遺下不淨在澗水

內蛇已成形在齋即腹中食其心而痛也遂以水調

雄黃服下果下赤蛇數條皆能走也出名醫錄○宋張杲醫說

溪山窮谷類有蛟蛇毒沫凡流來遠者須擦之春其

之交蛟蛇相感其精沫多在流中食其清源或可爾

不食更穩吳興徐獻忠水品○續說郛

銅溪在縣西北二十里源出桃源洞以其水色黃如

銅汁故名一作桐溪天台縣志

高安鳴水碧澗飛流空谷振聲絕頂有石高數丈以

物扣之其聲如鼓因以名之華陽實錄

僊靈澗僊靈山下百二十里澗水清冽相傳浴可愈

瘡痍湖廣總志

黃山天都峰與鍊丹相並為群仙之所都高九百仞

下有香谷源常聞異香又有香泉溪水味香美海內奇觀

武昌記曰樊山東有小溪夏時溪裏常有寒氣故謂

之寒溪

圖經曰長興有茗溪分上茗下茗取下茗溪水釀酒

極醇

水經注曰山陰縣有二溪東溪廣一丈九尺冬暖夏

冷西溪廣三丈五尺冬冷夏暖二溪北行三里至徐

邨合成一溪温涼不雜

東觀漢記曰耿恭以疎勒城傍有水徙居之匈奴來

攻絕其澗水笮馬糞汁飲之


書注谷是兩山間流水之道

釋名曰澗間也言在兩山間也


說文曰澗山夾水也從水間聲

爾雅曰山夾水曰澗俱澗鑑類函

廣雅釋詁




山岩水



廣雅釋詁

水屬

山岩水



山岩水

此山岩土石間所出泉流為溪澗者也爾雅云水正出曰檻泉懸出曰沃泉反出曰沕泉其泉源遠清冷或山有玉石美草木者為良其山有黑土毒石惡草者不可用陸羽云凡瀑涌漱湍之水飲之令人頸疾穎曰昔有潯陽忽一日城中馬死數百詢之云數日前雨洗出山谷中蛇食之毒馬飲其水然也

綱目

明李東璧本草

滑水出安化龍安山奔流數里有石巖當泉水之心

水入巖中約流五里許復有巖洞分為三穴復自其中流出名滑水東流入于連

長沙府志

藥水

藥水

南陽有菊水其源旁悉芳菊水極耳馨又中有三十
家不復穿井即飲此水上壽百二十三十中壽百餘
七十猶以為天濤司空王暢太傅袁隗為南陽令縣
月送三十餘石飲食澡浴悉用之大尉胡廣父患風
羸南陽恒汲餘水此疾遂瘳此菊短葩大食之耳美
異於餘菊廣又收其實種之京師遂處處傳置之

弘之荊州
記○說郛

機謹按上野州戶根郡華咲村山中多菊蒼山腹

有泉流下邊民爲食用俚人云鄉民多壽終不涿
于天行疫疾矣又加賀州菊川之釀酒有名譽焉
河上滿山皆菊用此河水釀名菊酒也稻若水云
山上生者非真菊皆苦蕒也他方之者會飲此水
則患飽悶不食

水華平無毒主渴遠行山無水處和苦桔萋爲丸朝
預服二十九永無渴亦入殺野獸藥和狼毒皂莢礬
石爲散搭安獸食餘肉中當令不渴渴恐飲水藥解
名水沫江海中間久沫成乳石故加石水沫猶軟者

是也

陳藏器餘○宋唐
慎微證類本草

菊華水味甘溫無毒除風補衰久服不老令人好顏
色肥健益陽道溫中去痼疾出南陽鄴縣北潭水其
源悉芳菊生被崖水爲菊味盛洪之荊州記云鄴縣
菊水太尉胡廣久患風羸常汲飲此水後疾遂瘳此
菊可羨廣後收此菊實播之京師處處傳植抱朴子
云南陽鄴縣山中有甘谷水所以甘者谷上左右皆
生甘菊菊苓墮其中歷世弥久故水味爲變其臨此
谷中居民皆不穿井悉食甘谷水食無不壽考故司

空王暢太尉劉寬太傅袁隗皆為南陽太守每到官
常使酈縣月送甘谷水四十斛以為飲食此諸公多
患風痺及眩冒皆得愈新神○嘉祐
神注本草
菊華水本條言南陽酈縣北潭水其源悉芳菊生被
崖水為菊味此說甚怪且菊生於浮土上根深者不
過尺百華之中此特淺露水泉莫非深遠而來况菊
根亦無香其華當九月十月間止二兩旬中焉得香
入水也若因華而香其無華之月合如何也殊不詳
水自有甘淡鹹苦焉知無有菊味者嘗官於永耀間

泔幹至洪門北山下古石渠中泉水清澈衆官酌而
飲其味與惠山泉水等亦微香世皆未知之烹茶尤
相宜由是知泉脉如此非綠浮土上所生菊能變泉
味博識之士宜細詳之宋寇宗奭
本草衍義
安樂泉在萬安溪草菴後中毒者飲之隨吐出惡涎
愈明徐來鳳玉
梅館漫錄
蜀武陽有聖泉其水碧色患瘡疾者洗之多愈投銀
即成金色孕婦飲之墮胎俗以為聖泉樂史寰宇
記○說郛
蘇仙公辭母曰明年天下疾疫庭中井水井邊橘樹

庶勿須自察
卷二十四
水屬
藥水
四

可以代養，開水一升，摘葉一枝，可療一人。來年果疫，毋以井水及摘葉救之，無不愈者。廣記○合璧事類

華水平無毒，主渴遠行無水和，苦括葦為丸，服之永

無渴。食物本草○明胡文煥延壽書

潛山縣杏泥洞，在真源聖祖殿後，前有大楓，泉出樹

中，投錢取水，洗目能去翳。明曹學佺名勝志

朱泉，鄆縣東，其水合雲秋，水北流入長沙，府茶陵縣

境，水經注，泉不常見，遇邑政清明，年穀豐登，則浙然

如米，泮瀑湧香，舊云病者飲此多愈，宋時岸摧，泉亦

罕見。明陳希顏事言要玄集

汴宋觀察使令狐楚言，亳州聖水出，飲者疾輒愈，裴

度判曰：妖由人興，水不自作，命在所禁。塞。唐書寶曆二

年亳州言出聖水，飲之者愈疾。李德裕奏曰：臣訪聞

此水本因妖僧誑惑，校計丐錢，數月已來，江南之人

奔走塞路，每三二十家都顧一人取水，擬取之時，疾

者斷食葷血，既飲之後，又二七日蔬飧，危疾之人俟

之愈，病其水斗價三貫而取者，益之他水，沿路轉以

市人老疾飲之多至危篤，昨點兩浙福建百姓渡江

者日三五十人臣於蒜山渡已加捉搦若不絕其根
本終恐無益黎毗昔吳時有聖水宋齊有聖火事皆
妖妄古人所非乞下本道觀察使令批楚速令填塞
以絕妖源從之唐聖水獲利人轉相惑德裕在浙西
命於大市集入置釜取其水令取猪肉五斤煮云若
聖水也肉當如故遂巡肉熟爛自此人心中稍定妖者
尋而敗露傳載○明陳
機謹按日三五十人疑日三五千人也
椒水州東三十九里其味如椒而冷浴則已疾我世

宗 嘗幸于此東國輿地勝覽

藥水在鳳山縣淡水社相傳明太監王三保投藥水

中令土番深病者於水中洗淥即愈臺灣府志

神泉在安縣南五十里其泉湧出平地舊傳冬溫夏

沸氣如附子能愈人疾今無驗矣大明一統志

田公泉昔有田叔居之取水以為飢此泉是玉砂之

流津飲之益人除腹中三蠱用之浣衣不須灰也一

名柳汧泉陶隱居石頌曰在芾柳汧水右浚陽谷川

即此金壇縣志

王液泉有二一在仙人捧石之北其泉甘香微若乳
色能已腹中諸疾人見其色白亦呼為白泉一在三
角山王液菴同上

郭娘泉在縣西南十二里泉如萬珠噴濺凡夏日中
暑者飲之立愈世傳郭娘洗錦于此故水紋如縠流

入汶萊蕪縣志

太陰井在治東南一統志云其水甘冽飲之可免瘡

癘上猶縣志

成化十二年深澤趙八村榆榦中枯槩忽生竅出水

適有疾者止其下渴飲之愈後疾者往禱之飲輒瘥
如是者逾年而息保定府志

和州有平疴湯泉水熱色深碧自沸香氣襲人患瘡

疾者浴之輒愈大明一統志○明
閔文振異物彙苑

淨明泉在章丘縣其水至潔可以洗目去昏翳故名

淨明大明一統志○同上

香泉在武定軍民府城南三里泉至春則生香土人
每以二三月間具酒肴祭泉然後汲之和酒而飲能
愈衆疾又州西四十五里廢縣南三里俱有香泉味

皆芬冽土人汲去以酸棗蔗漿鹽梅和飲之清來元成博學

一統志河南河南府永寧縣聖水井其水湛碧飲之

可愈疾漢中府洋縣治西有聖泉病者飲之輒愈又

醴泉在扶風縣唐貞觀中復出其味如醴飲之可以

愈疾慶陽府合水縣有聖公泉能愈百病又溫涼泉

在靈臺縣東南保巖山之陰其水半溫半冷有疾者


洗之即愈清來元成博學彙書

在都城李熙載墓前廣二尺深丈餘水常清冷溢出


病者飲之多愈稱熙載為夫子故井亦以名焉德慶州志

聖泉在河南站後山雲高寺前孔明南征軍士飲唾

泉水不能言孟節指此水飲之得甦四川總志



毒水



水屬

毒水

毒水

諸水有毒水。府龍宮不可觸。犯水中亦有赤脉不可斷之。井水沸不可食之。已上並害人。陳藏器餘○宋唐慎微證類本草

赤龍浴水。小毒。主瘕結氣。諸瘕。惡蟲入腹。及咬人。生瘡者。此澤間小泉。赤蛇在中者。人或遇之。經雨取水。服及人浴。蛇有大毒。故以為用也。同上
搜神記曰。永昌郡不韋縣有禁水。水有毒氣。唯十一月十二月可渡。涉自正月至十月不可渡。渡輒病殺。

入其氣有惡物不見其形作聲如有所投擊中木則
折中人則害入俗名鬼彈文士博曰左思初作蜀都
賦曰鬼彈飛丸以礮礮後又改易無此語太平御覽

機謹按天中記礮礮作礮礮

又南中八部志曰永昌郡有禁水水有惡毒氣中物
則有聲中樹木則折名鬼彈中人則奄然青爛同上
親賓相訪不可多虐以酒或被酒夜卧須令人照管
往時括蒼有困客以酒且慮其不告而忝於是卧於
空舍而鑰其門酒渴索漿不得則取華瓶水飲之次

日啓關而客死矣其家訟於官郡守注懷忠究其一
時舍中所有之物云有蒼瓶浸旱蓮華誠以旱蓮花
浸瓶中取罪當死者誠之驗乃釋之又置水於案
而不掩覆屋有伏蛇遺毒於水客飲而死者凡事不
可不謹如此宋遠采世範
○唐宋叢書

毒泉在翠雲潭路側行人飲之輒死在三十一都大田

縣志

挑山滕州南五十里御覽云卽華采山也又名義珠
山山上有井不可窺窺者不盈歲輒死有鳥巢井上

金喙黑色見則大水今訛作陶山謂有陶朱墓西微
山謂有微子墓皆謬惟奚公山奚仲造車處上山軌
轍猶存見地記云

元于思容齊來

閩廣山嵐有熱毒多發于華草水石之間如南靖泮
水坑多斷腸草落英在溪十里內無魚艱之類黃岩
人顧永主簿立石水次戒人勿飲閩中如此類非一
天台蔡霞山為省參時有語云大雨勿飲溪道傍休
喫草此皆仁人用心也

吳興徐獻忠水品續說郭

孫真人云凡遇山水場中出泉者不可久居常食作
瘰病凡陰地冷水不可飲飲必作瘰瘡

明陳繼儒岩樓幽事○秘

滇中有啞泉水頗可人飲之啞而死有滅泉如湯沸
人浴之皮肉爛見骨而死有黑泉水微清澦在身手
足皆黑而先有柔泉冷如冰人飲之身軟而死

玉梅館漫錄

諸水有毒○水府龍宮不可觸犯

藏器曰水之怪魍魎温嶠然犀照水

為神所怒是也水中赤脉不可斷之○井中沸溢不可飲
時珍曰但於三十步內取青石一塊投之即止○古井皆井不可入有毒殺

入時珍曰夏月陰氣在下尤忌之但以雞毛投之盤
 旋而舞不下者必有毒也以熱醋數斗投之則可
 入矣古亦然○古井不可塞令人盲聾○陰地流泉有毒
 二八月行人飲之成瘡瘡損脚力○澤中停水五六
 月有魚鼈精人飲之成癩病○沙河中水飲之令人
 瘠○兩山夾水其人多癯○流水有聲其人多癯○
 花瓶水飲之殺人臘梅尤甚○炊湯洗面令人無顏
 色洗體令人成癬洗脚令人疼痛生瘡○銅器上汗
 入食中令人生疽發惡瘡○冷水沐頭熱泔沫頭並
 成頭風女人尤忌之○水經病面上有五色者有毒

不可洗手○時病後浴冷水損心胞○盛暑浴冷水
 成傷寒○汗後入冷水成骨痺時珍曰顧閔遠行汗
 後渡水遂成骨痺痿
 而死也○產後洗浴成痘風多死○酒中飲冷水成
 手顫○酒後飲茶水成酒癖○飲水便睡成水癖○
 小兒就瓢及瓶飲水令語訥○夏月遠行勿以冷水
 濯足○冬月遠行勿以熱湯濯足明李東璧
 本州綱目
 黑泉水在灣甸州去雲南三十里其地每至六月瘴
 厲盛行時其水泛漲不惟水不可涉即其地亦不可
 居飛鳥過輒墜夷人以竿掛布浸而曝之拭盤盂人

食立死 明李東璧
食物本草

毒泉在雲南邊方者樂甸長官司東二百里蒙樂山一名無量山之頂山極高窮日之力方陟其巔泉水有毒人畜飲之竝死 同上

毒水瘴 粵西與雲貴接壤處有水能毒入其山產五金皆有毒况產五色信石者平山塢熬信水流下溪人不知誤吞則腹脹絞腸而不救矣此余於奧東曾治暮師周西候之第亦類是也初感而輕用玉樞丹紫金錠行軍散平胃正氣散亦有得生者 明陳三農證治

大還

華陽國志曰邛都縣山出銅有溫泉穴冬夏熱其溫可燂雞豚餘多惡水水神護之不可污穢及沉亂髮照面則使人被惡疾 淵鑑類函

華陽國志曰漢時永昌郡不韋縣有禁水水有毒氣唯十一月十二月差可渡自正月至十月涇之無不害人不見其形其作有聲中木則折中人則害土俗號為鬼彈故郡有罪人徙之禁防不過十日皆死也

同上

機謹按害人下有其氣中有惡物六字有聲下有
如有所以投擊內七字

曲江志云龍塘濛濛對過山中源自高州塘深且廣
其田數十頃水有毒沾足即爛若人食其田禾不一
二年即死今號蠱毒田水多魚人不敢食清來元成博學彙書

庶物類纂水屬卷之三十五目次

- 地漿水
- 生熟水
- 塚井水
- 糧甕中水
- 銅壺滴漏水
- 磨刀水
- 繅絲湯
- 鹽膽水

車轍中水

浸藍水

洗手足水

洗兒水

地漿

一名土漿

名醫別錄

水屬

地漿

地漿水

陶隱居云此掘地作坎以水沃其中攪令濁俄頃取之以解中諸毒山中有毒菌人不識煮食之無不死又楓樹菌食之令人笑不止惟飲土漿皆差餘藥不能救矣嘉祐補注本草

按羅天益衛生寶鑑云中暑霍亂乃暑熱內傷七神迷亂所致陰氣靜則神藏躁則消亡非至陰之氣不愈坤為地地屬陰土曰靜順地漿作於墻陰坎中為陰中之陰能瀉陽中之陽也明李東璧本草綱目

本草綱目卷三十五

水屬地漿水

煎中暑神昏藥及食楓樹菌笑不止用地漿水地作坎置水攪澄者是也取救垂絕之陰也清張路玉本經逢原急掘陰

生熟水


水屬

生熟水

生熟水

人大醉及食瓜果過度以生熟湯浸身湯皆為酒及
苳味博物志云浸至脬食苳可五十枚至脰頸則無
限未試陳藏器餘○宋唐
慎微證類本草

庶物類集 卷三十五



塚井水



庶物類集 卷三十五


水屬

塚井水


一

塚井水

塚井中水有毒人中之者立死欲入塚井者當先試
 之法以雞毛投井中毛直而下者無毒毛迴旋而舞
 似不下者有毒以熱醋數斗投井穴中則可入矣凡
 塚井及竈中從夏至秋毒氣害人從冬至春則無毒
 氣陳藏器餘○宋唐
 慎微證類本草



糧罌中水




水屬

糧罌中水


糧鬻中水

糧鬻中水味辛平小毒主鬼氣中惡症忤心腹痛惡
夢鬼神進一合多飲令人心悶又云洗眼見鬼未試
害蛇蟲其清澄久遠者佳古塚云文瀨留餘節凡毒
潰屍言此二物不爛餘皆成水北人呼糧鬻為食鬻
也陳藏器餘○宋唐
慎微證類本草

庶物類集 卷三十五



銅壺滴水



庶物類集 卷三十五

水屬

銅壺滴水

一




銅壺滴漏水

正義置箭壺內刻以為節而浮之水上令水漏而刻
下以記晝夜昏明之數也明陳仁錫潛確居類書

李蘭刻漏法云以器貯水以銅為渴鳥狀如鉤曲以
引器中水於銀龍口中吐入權器漏水一升秤重一
斤時經一刻同上

銅壺滴漏水性滑上可至顛下可至泉宜煎四末之
藥虞搏○明李東璧本草綱目

庶物類聚卷之五



磨刀水

俗名脱迷紫

庶物類聚卷之五

水屬

磨刀水

一

磨刀水

磨刀水氣味鹹寒無毒洗手則生癬利小便消熱腫

明李東璧
本草綱目

集簡方云肛門腫痛欲作痔瘡急取屠刀磨水服甚

効救急方云蛇咬毒攻入腹以兩刀於水中相磨飲

其汁
上同

縹絲湯

俗名憂^カ噎^イ各^コ有^ヒ

庶物類集 卷三十五

水屬

縹絲湯



繅絲湯

繅絲湯止消渴大驗

明李東璧
本草綱目

以瓷瓶收蜜封埋淨土地中任經數年久而愈妙

劉清

若金本
草述

鹽膽水


一名鹵水

本州
綱目

一名滴瀉

食物
本州

倍名備戛ニカ十霍シホ



鹽膽水

此乃鹽初熟槽中瀝下黑汁也。唐陳藏器本草拾遺

鹽下瀝水則味苦不堪食。今人用此水收豆腐。獨孤

溜云。鹽膽煮四黃錫物。明李東璧本草綱目

唐物類集卷之五



車轍中水


倍名划搭七那盞脱那迷紫

唐物類集

卷之五

水屬

車轍中水




車轍中水


車轍中水時珍曰轍乃主治癩瘍風五月五日取洗

之甚良牛蹄中亦可明李東璧本草綱目

博物類纂卷之五



浸藍水



博物類纂卷之五

水屬

浸藍水

浸藍水

浸藍水時珍曰藍水染布水皆取藍及石灰能殺蟲
解毒之義昔有人因醉飲田中水誤吞水蛭胸腹脹
痛面黃遍醫不効因宿店中渴甚誤飲此水大瀉數
行平明視之水蛭無數其病頓愈也

明李東璧
本草綱目

庶物類纂卷三十五

洗手足水

庶物類纂

水屬

洗手足水

洗手足水

洗手足水主治病後勞復或因梳頭或食物復發取
一合飲之效聖惠○明李東壁本草綱目

洗兒湯


洗兒湯

洗兒湯主治胎衣不下服一盞勿令知之

○延年秘錄
明李東

壁本草
綱目

庶物類纂
卷三十五



Vertical text on the right edge of the right page, likely a library or archival stamp.

